



BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
KANTONALNO TUŽILAŠTVO  
UNSKO-SANSKOG KANTONA  
BIHAĆ

*Broj : A-88/17*

*Bihać, 31.01.2017.godine*

## **IZVJEŠTAJ O RADU ZA 2016. GODINU**

---

**Januar 2017**

---

Bosna i Hercegovina Federacija Bosne i Hercegovine Kantonalno tužilaštvo Unsko-sanskog kantona

**Adresa:** Bosanska 2, 77000 Bihać, **Telefon:** 037/222-252 - centrala, **Telefon:** 037/224-138 - glavni tužilac, **Telefaks:** +38737/222-270

**Elektronska pošta:** [adnan.tulic@pravosudje.ba](mailto:adnan.tulic@pravosudje.ba), **Web stranica:** [kt-bihac.pravosudje.ba](http://kt-bihac.pravosudje.ba)

---

## **UVODNE NAPOMENE**

Odredbom člana 10. Zakona o Kantonalnom tužilaštvu Unsko sanskog kantona je propisano da tužilaštvo ima pravo i dužnost, u okviru ostvarivanja svojih funkcija, na vlastitu inicijativu ili na zahtjev, obavještavati Skupštinu kantona, Vladu ili predsjednika kantona o provođenju Krivičnog zakona i radu tužilaštva.

Odredbom člana 17. stav 17. Zakona o Visokom sudskom i tužilačkom vijeću Bosne i Hercegovine predviđena je nadležnost Visokog sudskog i tužilačkog vijeća da „prikuplja i analizira izvještaje ...za sudove i tužilaštva kako bi se obezbijedili statistički podaci za efikasan rad sudova i tužilaštava.

Shodno navedenim zakonskim odredbama ovaj izvještaj sadrži osvrt na problem smještajnih kapaciteta, kadrovsku osposobljenost tužilaštva, probleme u popuni sistematizacije, osvrt na unutarnju organizaciju, ostvarenu normu, ostvarene rezultate tužilaštva u 2016. godini ( broj riješenih prijava i istraga - KT, KTK, KTPO KTO, KTA KTN, broj podignutih optužnica) sa uporednim praćenjem rezultata u odnosu na 2015. godinu u predmetima privrednog kriminala i korupcije, općeg kriminala ( maloljetničkog prestupništva i predmetima ratnih zločina ), starosna struktura riješenih i neriješenih predmeta, dužina trajanja istrage, zastarjelost krivičnog gonjenja i zaključna zapažanja.

## **BROJ SUDOVA NA PODRUČJU KANTONA**

Kantonalno tužilaštvo je uspostavljeno sa jurisdikcijom na cijeloj teritoriji Unsko - sanskog kantona koja obuhvata grad Bihać i sedam općina i to : Cazin, Velika Kladaša, Bosanska Krupa, Bužim, Sanski Most, Ključ i Bosanski Petrovac. Sjedište tužilaštva je u Bihaću. Tužilaštvo ima Područnu kancelariju u Sanskom Mostu. U Područnoj kancelariji u Sanskom Mostu rade 2 tužioca i to isključivo predmete iz općeg kriminala. Udaljenost Područne kancelarije je 130 km, Općinskog suda u Velikoj Kladaši 70 km dok su ostali sudovi na manjoj udaljenosti. Dakle, tužioci ovog tužilaštva svakodnevno putuju i zastupaju predmete pred navedenim Općinskim sudovima kao i pred Kantonalnim sudom u Bihaću.

## **KADROVSKA OSPOSOBLJENOST TUŽILAŠTVA**

Tužilaštvo Unsko sanskog kantona sa danom 31.12.2016. godine je imalo ukupno 72 uposlenika iako je sistematizovano 80, od čega :

- 27 nosilaca tužilačke funkcije skupa sa glavnim tužiocem ( od kojih je jedan odsutan zbog suspenzije ), sistematizovano 28,
- 1 sekretar tužilaštva,
- 5 stručnih saradnika, sistematizovano 6, a po važećim kriterijima sistematizaciju je potrebno proširiti na 9.
- 2 stručna savjetnika, jedan psiholog i jedan ekonomista,
- nema portparola odnosno službenika za odnose s javnošću, iako je ovo mjesto sistematizovano,
- 28 namještenika, sistematizovano 33
- 10 uposlenika

*U ovom izvještajnom periodu od ukupno 26 izabраниh tužilaca, bez glavne tužiteljice, jedna tužiteljica je napustila tužilaštvo dana 30.04.2016.godine a jedan tužilac je suspendiran dana 02.12.2016.godine.*

*Dakle, u izvještajnom periodu u tužilaštvu je faktički radilo 25 tužilaca . U odnosu na sistematizovani broj od 28 tužilaca ovom tužilaštvu trenutno nedostaje još jedan tužilac za kojeg smo zatražiti da se imenuje u što skorijem roku.*

## **UNUTARNJA ORGANIZACIJA**

*Važećim Pravilnikom unutarnja organizacija tužilaštva utvrđena je tako da su unutar tužilaštava organizovani tužilački odjeli i odsjeci a u okviru uprave tužilaštva administrativni odsjeci.*

*Tužilački poslovi se obavljaju kroz :*

- Odjel za privredni kriminal i korupciju,*
- Odjel za opći kriminal unutar kojeg je Odsjek za maloljetnike i Odsjek za ratne zločine.*

*Tužilaštvo u rukovodnoj strukturi ima dva zamjenika glavne tužiteljice i šefove odjela i odsjeka. U izvještajnom periodu u Odjelu za Opći kriminal je bilo raspoređeno 20 tužilaca od čega 2 rade u Područnom tužilaštvu u Sanskom Mostu, 3 su raspoređena u Odsjek za ratne zločine i 2 u Odsjeku za maloljetnike. U Odjelu za privredni kriminal i korupciju je raspoređeno 6 tužioca.*

## **OSTVARENJE NORME**

*Tužilaštvo je ostvarilo kolektivnu normu od 117,44 % što je za 12,92 % više nego u prethodnoj godini (104,00 % ). Kolektivna norma Odjela za opći kriminal iznosi 102,69 % , Odjela za privredni kriminal iznosi 157,70 %, Odsjeka za ratne zločine 123,90 %, I Odsjeka za maloljetnike 106,23 %.*

*Iz naprijed navedenih pokazatelja je vidljivo da je kolektivna norma ovog tužilaštva znatno veća od prošlogodišnje.*

## **OSTVARENI REZULTATI U RADU ( uporedni pokazatelji )**

### **2015 godina – KT PRIJAVE**

VRSTA PREDMETA	NERIJEŠENO 01.01.2015	PRIMLJENO TOKOM GODINE	UKUPNO U RADU PRIJAVA	RIJEŠENO	NERIJEŠENO 31.12.2014
PRIVREDNI KRIMIINAL	289	165	454	177	277
RATNI ZLOČIN	4	12	16	12	4
OPĆI KRIMINAL	1.494	1.652	3.146	2.337	809
U K U P N O	1.787	1.829	3.616	2.526	1.090

## 2015 godina – KT ISTRAGE

VRSTA PREDMETA	NERIJEŠENO 01.01.2015	NAREĐENO TOKOM GODINE	UKUPNO U RADU	RIJEŠENO	NERIJEŠENO 31.12.2014
PRIVREDNI KRIMINAL	35	89	124	95	29
RATNI ZLOČIN	58	11	69	18	51
OPĆI KRIMINAL	134	1.921	2.055	1.938	117
<b>U K U P N O</b>	<b>227</b>	<b>2021</b>	<b>2248</b>	<b>2051</b>	<b>197</b>

Tabela br.2

## 2016. godina – KT PRIJAVE

VRSTA PREDMETA	NERIJEŠENE PRIJAVE IZ RANIJEG PERIODA 01.01.2015	PRIMLJENE PRIJAVE U TOKU IZVJEŠTAJNOG PERIODA	UKUPNO U RADU PRIJAVA	RIJEŠENO PRIJAVA	NERIJEŠENO PRIJAVA NA KRAJU IZVJEŠTAJNOG PERIODA
PRIVREDNI KRIMINAL	277	210	487	249	238
RATNI ZLOČIN	4	12	16	8	8
OPĆI KRIMINAL	809	1.734	2.543	1.789	754
<b>U K U P N O</b>	<b>1.090</b>	<b>1.956</b>	<b>3.046</b>	<b>2.046</b>	<b>1.000</b>

Tabela br.3

## 2016 godina – KT ISTRAGE

VRSTA PREDMETA	NERIJEŠENO ISTRAGA IZ RANIJEG PERIODA 01.01.2015	NAREĐENO ISTRAGA U TOKU IZV.PERIODA	UKUPNO U RADU ISTRAGA	RIJEŠENO ISTRAGA	NERIJEŠENO ISTRAGA NA KRAJU IZVJEŠTAJNOG PERIODA
PRIVREDNI KRIMINAL	29	107	136	104	32
RATNI ZLOČIN	51	7	58	14	44
OPĆI KRIMINAL	116	1.492	1.609	1.517	92
<b>U K U P N O</b>	<b>197</b>	<b>1.606</b>	<b>1.803</b>	<b>1.635</b>	<b>168</b>

Tabela br.4

## **PREDMETI PRIVREDNOG KRIMINALA I KORUPCIJE**

( Prijave )

Na početku izvještajnog perioda iz ranijih godina ostalo je neriješeno 277 prijava – izvještaja o počinjenom krivičnom djelu, iz oblasti privrednog kriminala i korupcije ( krivična djela iz glave XXII, XXIII i XXXI KZ FBiH ). U toku izvještajnog perioda primljeno je još 210 izvještaja – prijava, što je za 27,27 % više nego u prethodnoj godini. Tužilaštvo je u radu imalo ukupno 487 predmeta što je za 6,8 % više nego u prethodnoj godini. U toku godine riješeno je ukupno 249 prijava odnosno 40 % više nego u prethodnoj godini. Na kraju perioda je ostalo neriješeno 238 prijava što je za 16,38 % manje nego u prethodnoj godini.

Iz ovih pokazatelja jasno se može vidjeti da je u ovoj izvještajnoj godini povećan priliv predmeta u odnosu na 2015. godinu za 27,27 %. Priliv je savladan i riješeno je 18,57 % više predmeta nego što je primljeno.

Dakle, u ovom izvještajnom periodu došlo je do smanjenja broja neriješenih prijava za 16,38 %, iako je priliv povećan za 27,27 %.

Iz navedenih pokazatelja je vidljivo da je tužilaštvo naglasak dalo na rad u predmetima iz ove vrste kriminala. Iz uporednih pokazatelja je takođe vidljivo da je iz godine u godinu raste priliv predmeta iz oblasti privrednog kriminala i korupcije koji tužilaštvo savladava i uspješno smanjuje broj neriješenih predmeta. ( tabela br. 3 i 1 )

( Istrage )

Kantonalno tužilaštvo USK-a u Bihaću je novu poslovnu godinu započelo sa 29 neriješenih istraga iz ranijeg perioda. U toku izvještajnog perioda naređeno je 107 istraga što čini ukupno 136 istraga u radu a što je za 9,67% više istraga u radu nego u prethodnoj godini. U ovom izvještajnom periodu riješeno je za i 9,47 % više nego u prethodnoj godini. Na kraju izvještajnog perioda ostalo je neriješeno 10,34 % istrage više nego u prethodnoj godini.

Dakle, tužilaštvo je u ovom izvještajnom periodu riješilo više istraga nego u prethodnom za 9,47 % ali su na kraju izvještajnog perioda ostale neriješene 3 istrage ili 10,34 % više nego na kraju prethodne godine. Ovo je rezultat povećanog priliva prijava i istraga u radu. ( tabele br. 4 i 2 )

## **PREDMETI RATNIH ZLOČINA**

( Prijave )

U predmetima ratnih zločina iz prethodnih godina ostale su neriješene 4 prijave. U toku izvještajnog perioda je primljeno 12 tako da je u radu bilo ukupno 16 prijava od kojih je 8 riješeno dok je 8 ostalo neriješeno. Dakle, priliv nije savladan i riješeno je 4 predmeta ili 66,66 % manje nego što je primljeno u toku izvještajnog perioda. Na kraju izvještajnog perioda ostalo je neriješeno 8 prijava što je za 4 ili 100 % više nego u prethodnoj godini.

( Istrage )

U predmetima ratnih zločina iz ranijeg perioda ostalo je neriješeno 51 istraga. U toku izvještajnog perioda je naređeno 7, pa je u radu bilo ukupno 58 istraga dok je u prethodnoj godini bilo u radu ukupno 69 istraga što je za 18,9 % više. Do kraja godine je riješeno 14 istraga što je za 7 ili 100 % više nego u prethodnoj godini. Na kraju izvještajnog perioda ostale su neriješene 44 istrage što je za i 13,72 % manje nego u prethodnoj godini, a za koji broj je smanjen broj neriješenih istraga.

Dakle, tužilaštvo je u ovom izvještajnom periodu riješilo 100 % više istraga nego u prethodnoj godini i smanjilo broj neriješenih istraga za 13,72 %. ( tabela br. 4 i 2 )

### **PREDMETI OPĆEG KRIMINALA**

( Prijave )

Na početku izvještajnog perioda u tužilaštvu je ostalo neriješeno 809 predmeta iz ranijeg perioda dok je u toku istog zaprimljeno 1734, odnosno 4,96% više nego u prethodnoj godini. Ukupno je u radu imalo 2543 predmeta. U istom periodu riješeno je ukupno 1789 predmeta što je za 3,22 % više nego u prethodnoj godini. Na kraju godine je ostalo neriješeno 754 a što je za 6,78 % predmeta manje nego što je to bilo na kraju prethodne godine. Dakle, u ovom izvještajnom periodu došlo je do savladavanja priliva i smanjenja ukupnog broja neriješenih predmeta. ( tabela br. 3 i 1 )

( Istrage )

Na početku izvještajnog perioda iz prethodnih godina ostalo je neriješeno 116 istraga. U toku godine je naređeno 1492 tako da je u radu bilo ukupno 1609. Od tog broja riješeno je 1517 istraga ili za 1,7 % više nego u 2015.godini. Na kraju godine ostalo je neriješeno 21,6 % manje istraga nego u prethodnom izvještajnom periodu. Dakle, riješeno je više istraga nego u prethodnoj godini i smanjen je broj neriješenih istraga.

### **ZBIRNI POKAZATELJI ZA SVE VRSTE KRIMINALA**

( prijave )

Na početku 2016. godine iz ranijeg perioda je ostalo neriješeno ukupno 1090 KT prijava po svim oblicima kriminala. U toku godine je primljeno 1956 predmeta odnosno 6,94 % više nego u prethodnoj godini, što znači da je u izvještajnom periodu u radu bilo ukupno 3046 KT prijava. Od tog broja riješeno je 2046 prijava što je za 4,6 % više nego u prethodnoj godini. Broj neriješenih prijave na kraju godine je smanjen za 8,25 % u odnosu na prethodnu godinu. Dakle, priliv predmeta je povećan u odnosu na prethodnu godinu i savladan. Smanjen je i ukupan broj neriješenih predmeta. ( tabela br. 3 i 1 )

( istrage )

Iz ranijeg perioda je ostalo neriješeno 197 istraga u svim oblicima kriminala. U toku godine je naređeno 1606 tako da je u radu bilo ukupno 1803 istrage. Od tog broja riješeno je 1635 istraga a što je 1,8 % više riješenih istraga nego u 2015.godini. Dakle, u tekućoj godini riješeno je više istraga nego što je naređeno i smanjen je broj neriješenih istraga nego u prethodnoj godini za 14,72%. ( tabela br. 4 i 2 )

Analizom ostvarenih radnih rezultata u prethodnoj a i zadnje dvije godine jasno se može zaključiti da je tužilaštvo bilo opterećeno velikom brojem neriješenih prijave iz ranijeg perioda ali da konstantno smanjuje ukupan broj neriješenih prijave i istraga tako što savladava priliv u većem obimu. Ista je situacija i sa rješavanjem starih predmeta.

## KVALITET RADA

### Optužnice

	OPTUŽNICA	KAZNENI NALOG	POTRĐENA OPTUŽNICA	ODBIJENA OPTUŽNICA	POVUČENA OPTUŽNICA
PRIVREDNI KRIMINAL	30	1	30	-	-
RATNI ZLOČIN	5	-	5	-	-
OPĆI KRIMINAL	605	700	1.304	2	-
<b>UKUPNO</b>	<b>640</b>	<b>701</b>	<b>1.339</b>	<b>2</b>	<b>-</b>

Tabela br.5

U izvještajnom periodu je podignuto ukupno 1339 optužnica od čega 30 optužnica iz oblasti privrednog kriminala, 5 iz oblasti ratnih zločina i 1305 iz općeg kriminala..

Od ukupnog broja podignutih optužnica 701 je sa kaznenim nalogom dok je ostalih 640 optužnica bez kaznenog naloga. Potvrđeno je ukupno 1139 optužnica a za 2 optužnice je odbijeno potvrđivanje iz čega je vidljivo da je kvalitet podignutih optužnica izuzetno dobar.

### Pravosnažne presude

Tabela br. 6

OSUĐUJUĆA								OSLOBAĐAJUĆA iz ranijeg perioda		OSLOBAĐAJUĆA 2015		ODBIJAJUĆA iz ranijeg perioda		ODBIJAJUĆA 2015		OBUSTAVA POSTUPKA NAKON OPTUŽENJA
ZATVOR iz ranije perioda	ZATVOR 2015	NOVČANA iz ranijeg perioda	NOVČANA 2015	UVJETNA iz ranijeg perioda	UVJETNA 2015	SUDSKA OPOMENA iz ranijeg perioda	SUDSKA OPOMENA 2015									
207	27	84	35	581	297	5	1	12	1	44	-			24		
<b>234</b>		<b>119</b>		<b>878</b>		<b>6</b>		<b>13</b>		<b>44</b>		<b>24</b>				
<b>UKUPNO 1.237</b>																

Od ukupnog broja donešenih presuda 1318, 1237 ili 93,85 % su osuđujuće, 13 ili 0,98 % je oslobađajućih, 44 ili 3,33 % odbijajućih dok je u 24 predmeta rješenjem postupak obustavljen nakon optuženja. Iz navedenih pokazatelja jasno se može zaključiti da je kvaliteta tužilačkih odluka izuzetno dobra. Od 1237 osuđujućih presuda u 234 predmeta je izrečena zatvorska kazna, u 119 novčana, u 878 mjera upozorenja uvjetna osuda i 6 sudskih opomena.

Iz navedenih pokazatelja takođe se može vidjeti da je od ukupno 1.237 izrečenih osuđujućih presuda 878 ili 70,97 % uvjetnih osuda što je za 210 ili 19,30 % manje nego u prethodnoj godini. Takođe je vidljivo da je izrečeno više zatvorskih kazni nego u prethodnoj godini za 32 ili 15,84 %.

Iz ovih pokazatelja se može zaključiti da se smanjuje broj uvjetnih osuda a povećava broj zatvorskih kazni što ukazuje da se kaznena politika mijenja odnosno pooštava.

## **ŽALBE**

U izvještajnom periodu je izjavljeno od strane tužioca ukupno 140 žalbi, što je za 83 ili 145,60 % više nego u prethodnoj godini. Od ovog broja uvaženo je 60, dok su odbijene 92 žalbe. Po 117 žalbi nije odlučeno u posmatranom izvještajnom periodu.

## **PRETRESI PRED SUDOVIMA**

Tabela br. 7

<b>SUDOVI</b>	<b>PRETRESI</b>	<b>PRETRESNI DANI</b>
KANTONALNI SUD BIHAĆ	207	142
OPĆINSKI SUD BIHAĆ	1095	231
OPĆINSKI SUD CAZIN	672	183
OPĆINSKI SUD BOSANSKA KRUPA	598	127
ODJELJENJE OPĆINSKOG SUDA BOSANSKA KRUPA U BUŽIMU	223	62
OPĆINSKI SUD VELIKA KLADUŠA	953	178
OPĆINSKI SUD SANSKI MOST	682	291
<b>UKUPNO</b>	<b>4430</b>	<b>1214</b>

Iz navedenog tabelarnog prikaza je vidljivo da su tužioci ovog tužilaštva u izvještajnoj godini bili na 4.430 pretresa koji su održani u 1214 pretresna dana.

Svakodnevna putovanja tužilaca radi zastupanja predmeta pred nadležnim sudom, zastupanje svojih i predmeta drugih tužilaca u značajnoj mjeri utječe na vrijeme koje ostaje tužiocu za rad na predmetima u fazi istrage i ostvarivanje orijentacione norme.

## **IZVRŠENJE PLANA RJEŠAVANJA STARIH PREDMETA I STAROSNA STRUKTURA NERIJEŠENIH PREDMETA**

Izvršenom analizom Izvještaja o ukupnoj, kumulativnoj realizaciji Planova rješavanja starih predmeta ovog tužilaštva dobijenog kroz CMS evidenciju za period od 01.01. do 31.12.2016. godine sam utvrdila da je Plan rješavanja starih predmeta ovog tužilaštva realiziran u omjeru od 96,69 % skupa sa ostvarenim rezultatima Područne kancelarije u Sanskom Mostu za koju se posebno sačinjava Plan, a što je veća realizacija nego u prethodnoj godini kada je realiziran u omjeru od 94,52 %.



Od ukupnog broja starih neriješenih predmeta na početku perioda Plana 561 tužilaštvo je planiralo u 2016. godini riješiti ukupno 367 starih predmeta, a što predstavlja omjer od 65,41 %. Od planiranih 367 predmeta tužilaštvo je riješilo ukupno 358 starih predmeta .

Dakle, tužilaštvo je u 2016. godini planiralo da riješi duplo više starih predmeta nego što je to kao minimalan iznos (30%) utvrđeno gore navedenim Pravilnikom odnosno Uputstvom tako što je planiralo da će završiti 65,41 % i riješilo je 63,81 % od ukupnog broja starih predmeta

Na kraju 2016.godine u općem kriminalu ostalo je neriješeno samo 5 starih predmeta iz Plana a u Planu za 2017.godinu se našlo samo 59 starih predmeta, tako da je očito da će u narednoj godini Odjel za opći kriminal sasvim izići iz Plana rješavanja starih predmeta.

Na kraju 2016.godine u privrednom kriminalu ostala su neriješena samo 4 stara predmeta. U Planu za 2017.godinu se nalazi 149 starih predmeta od kojih je 124 označeno da će se riješiti u tekućoj godini, tako da je realno očekivati da će Odjel za privredni kriminal izaći iz Plana rješavanja starih predmeta najvjerojatnije u 2018.godini.

U skladu sa članom 4. Uputstva iz ovog plana su kao „neriješivi“ izuzeti predmeti po raspisanim potjernicama i predmeti ratnih zločina. U tužilaštvu egzistira 14 starih predmeta u kojima je raspisana potjernica ( jedan predmet iz 1998.godine, jedan iz 2002.godine, jedan iz 2003, jedan iz 2004, jedan iz 2006.godine, tri iz 2008, 3 iz 2013, 2 iz 2014.godine i 1 iz 2015.godine.

#### Starosna struktura neriješenih predmeta

Tabela br. 8

Starosna struktura neriješenih predmeta	
GODINA INICIRANJA PREDMETA	NERJEŠENO
1996	6
1998	2
2002	1
2003	2
2004	2
2006	1
2007	7
2008	3
2010	1
2011	16
2012	14
2013	33
2014	79
2015	232
2016	769
<b>UKUPNO</b>	<b>1.168</b>

Kada se starosna struktura neriješenih predmeta uporedi sa istom u 2015. godini onda se može zaključiti, kao što to i proizilazi iz Izvještaja o realizaciji Plana rješavanja starih predmeta, da je taj broj u 2016. godini smanjen za 63,81 %. Ovdje treba istaći da u ukupnu starosnu strukturu neriješenih predmeta u gore navedenoj tabeli broj 8. ulaze i predmeti ratnih zločina kao i predmeti po potjernicama.

## Dužina trajanja istrage – vremenska struktura

Tabela br. 9

VRSTA PREDMETA	Istrage koje traju duže od 5 godina	Istraga koje traju od 4 do 5 godina	Istraga koje traju od 3 do 4 godine	Istraga koje traju od 2 do 3 godine	Istraga koje traju od 1 do 2 godine	Istraga koja traje do 1 godine
OPĆI KRIMINAL	9	0	1	3	8	68
PRIVREDNI KRIMINAL	0	0	0	3	5	26
RATNI ZLOČIN	15	6	8	6	7	3
<b>ukupno</b>	<b>24</b>	<b>6</b>	<b>9</b>	<b>12</b>	<b>20</b>	<b>97</b>

Imajući u vidu odredbu člana 240 ZKP-a može se konstatovati da u tužilaštvu na kraju izvještajnog perioda, a uzimajući u obzir datum iniciranja istrage, ima 24 istraga koje traju duže od 5 godina ( od ovog broja 15 se odnosi na predmete ratnih zločina, 9 na predmete iz općeg kriminala dok u privrednom kriminalu nema istraga koje traju duže od 5 godina), 6 koje traju 4 do 5 godina ( sve predmeti ratnih zločina), 9 koje traju 3 do 4 godine ( 1 iz općeg kriminala i 8 iz ratnih zločina), 12 koje traju 2 do 3 godine ( 3 iz općeg kriminala, 3 iz privrednog 6 iz ratnih zločina), 20 koje traju jednu do dvije godine ( 8 iz općeg kriminala, 5 iz privrednog kriminala i 7 iz predmeta ratnih zločina).

Kada se pogleda struktura i sadržina predmeta u kojima istrage traju duže od pet, četiri, tri ili dvije onda se može konstatovati da se 35 istraga odnose na predmete ratnih zločina u kojima se zbog specifičnosti, prirode i načina prikupljanja dokaza ni ne može dovesti do bržeg procesuiranja tih predmeta. Preostalih 13 predmeta se odnose na predmete iz općeg kriminala koji su dosta složeniji ili u kojima se istraga ne može okončati iz objektivnih razloga zbog nedostupnosti osumnjičenih pa je u 11 predmeta raspisana potjernica.

## MALOLJETNIČKI KRIMINAL

Tabela br. 10

Vrsta Ktm predmeta	Neriješeno prijava iz ranijih godina	Primijeno prijava u toku izvještajnog perioda	Ukupno u radu	Broj odluka o nepokretanju postupka				Odgodne preporuke Tužitelj	Odgodne preporuke sudije za maloljetnike
				djeca	oportunitet	iz drugih razloga	ukupno		
KOLONA =	I	II	III II=I+ii	IV	V	VI	VII VII=IV+V+vi	VIII	IX
<b>KTM</b>	<b>48</b>	<b>79</b>	<b>1.297</b>	<b>6</b>	<b>15</b>	<b>6</b>	<b>27</b>	<b>37</b>	<b>-</b>

Vrsta Ktm predmeta	Pripremni postupak			Zahtjevi za dopunu postupka	Prijedlozi za obustavu postupka			Broj obustava pripremenog postupka
	Neriješeno iz prethodnog perioda	Pokrenuto u toku izvještajnog perioda	Ukupno		oportunitet	Iz drugih razloga	Ukupno	
KOLONA =	X	XI	XII XII=X+XI	XIII	XIV	XV	XVI XVI=XIV+XV	XVII
<b>KTM</b>	<b>5</b>	<b>38</b>	<b>43</b>	<b>-</b>	<b>-</b>	<b>2</b>	<b>2</b>	<b>2</b>

Vrsta Ktm predmeta	Broj prijedloga za izricanje odgojne mjere			Broj prijedloga za izricanje kazne maloljetničkog zatvora	Rješeno na sudu				Neriješeno prijava na kraju izvještajnog perioda	Neriješeno pripremnih postupaka na kraju izvještajnog perioda
	Zavodske	Vanzavodske	Ukupno		Odgojne mjere			Kazne maloljetničkog zatvora		
					Zavodske	Vanzavodske	Ukupno			
KOLONA =	XVIII	XIX	XX XX=XVIII+XI X	XXI	XXII	XXIII	XXIV XXIV=XXII+X XIII	XXV	XXVI	XXVI
<b>KTM</b>	4	31	35	1	3	24	27	-	25	5

*U predmetima maloljetničkog kriminala nije bilo starih predmeta. U toku 2016. godine u rad je primljeno 79 KTM prijava što je u odnosu na prethodnu godinu manje za 12,22 %. Iz prethodne godine je ostalo neriješeno 48, što znači da je ukupno u radu bilo 127 KTM predmeta. U toku godine je riješeno ukupno 27 predmeta odlukom o nepokretanju pripremnog postupka dok je u 43 predmeta pokrenut pripremi postupak a što je više nego u prethodnoj godini za 104,76 % .*

*Od 27 odluka o nepokretanju pripremnog postupka 6 odluka je donešeno iz razloga što su prijavljeni maloljetnici u vrijeme izvršenja djela bili djeca ( mlađi od 14 godina), 15 iz razloga cjelishodnosti ili oportuniteta a 6 iz drugih zakonskih razloga ( ulazak u punoljetstvo i sl.). U 2 predmeta je obustavljen pripremi postupak.*

*U izvještajnom periodu 31 predmet je iskazan završenim nakon okončanja pripremnog postupka podnošenjem Sudu prijedloga za izricanje vanzavodskih odgojnih mjera, u 4 predmeta su okončana izricanjem zavodske odgojne mjere tako da je ukupno 35 predmeta okončano podnošenjem prijedloga za izricanje odgojne mjere. Po podnešenim prijedlozima Sud je u ovom periodu izrekao 27 odgojnih mjera i to 24 vanzavodske i 3 zavodske mjere.*

*Na kraju izvještajnog perioda ostalo je neriješeno 5 pripremnih postupaka i 25 prijava. Dakle u ovoj godini je riješeno 21 ili 5 % više prijava prema maloljetnicima nego u prethodnoj godini.*

## **KTA I KTN PREDMETI**

Tabela br. 11

Vrsta predmeta	Neriješeno iz ranijih godina	Primljeno u toku godine	Ukupno u radu	Rješeno u toku godine				Ukupno riješeno na kraju godine	Neriješeno na kraju godine	
				Naredbom o neprovođenju istrage		Prenošenjem u KT upisnik	Na drugi način		prijave	istrage
				Zbog zastarijelosti	Druge vrste naredbe o neprovođenju istrage					
KOLONA=	I	II	III III=I+II	IV	V	VI	VII	VIII VIII=IV+V+VI+VII	IX IX=III-VIII	
<b>KTA</b>	1.469	1.243	2.712	2	579	531	580	1.692	1020	
<b>KTN</b>	4.312	700	5.012	579	23	255	33	890	2.388	1.734
<b>UKUPNO</b>	<b>5.781</b>	<b>1.943</b>	<b>7.724</b>	<b>581</b>	<b>602</b>	<b>786</b>	<b>613</b>	<b>2.582</b>	<b>4.122</b>	
									<b>5.177</b>	

*U izvještajnom periodu je ukupno u radu bilo 2.712 KTA predmeta (neodredivo krivično djelo ili počinitelj). Od tog broja 1469 predmeta je ostalo neriješeno iz ranijih godina dok je u izvještajnom periodu primljeno još 1243 predmeta. U toku godine je riješeno ukupno 1692 predmeta što je za samo 8 predmeta manje nego u prethodnoj godini. Na kraju godine je ostalo neriješeno 1002 KTA predmeta što je za 31,79 % manje nego u prethodnoj godini kada je na kraju godine ostalo neriješeno 1469 KTA predmeta. Dakle, povećan je broj riješenih a smanjen ukupan broj neriješenih KTA predmeta.*

*Iz naprijed navedenih podataka je vidljivo da su tužioci ovog tužilaštva u prethodnoj godini intenzivirali rad na KTA predmetima. Značajan doprinos na ovako velikom broju završenih KTA predmeta su dali i pravni saradnici koji su po Projektu jačanja tužilačkih kapaciteta u sistemu krivičnog pravosuđa uposleni na određeno vrijeme u tužilaštvu od 01.09.2015. godine iz čega se može zaključiti da je njihov angažman jako koristan i da ga treba produžavati sve dok se KT i KTA predmeti ne dovedu u ažurno stanje a KTA predmeti dok se svi ne riješe obzirom da ih je veliki broj i opterećuju tužioce koji prvenstveno rade na KT predmetima.*

*U toku 2016. godine ukupno u radu je bilo 5012 KTN predmeta ( predmeti protiv nepoznatih počinitelja) od čega je 4.312 predmeta ostalo neriješeno iz ranijeg perioda. U toku godine je primljeno u rad još 700 predmeta. U izvještajnom periodu je riješeno ukupno 890 predmeta dok je ostalo neriješeno 4122 što je za 1668 predmeta manje nego u prethodnoj godini. Ažurnost u rješavanju ovih predmeta uglavnom ovisi od aktivnosti policijskih agencija koje su podnijele navedene KTN izvještaje pa se može izvući zaključak da se povećao broj otkrivenosti krivičnih djela po NN počiniocu od strane policijske agencije koja ih je podnijela.*

*Povećani broj riješenih KTN predmeta rezultat je i primjene Uputstva VSTV-a kojim je naložena da se svaka tri mjeseca izvrši analiza ovih predmeta ukoliko postoje mogućnosti da se donese odluka o istima.*

*Važno je istaći da sam analizom ovih prijava utvrdila da se radi o neotkrivenim izvršiocima krivičnih djela protiv imovine ( teške i obične krađe, oštećenje tuđe stvari), dok u izvještajnoj godini nemamo ni jednog neotkrivenog izvršioca krivičnog djela ubistva ili bilo kojeg drugog težeg krivičnog djela.*

## **PROSJEČNA ZADUŽENOST TUŽIOCA PO PREDMETIMA**

*Tužioci koji rade na predmetima iz općeg kriminala su na dan 31.12.2016. godine zaduženi u rasponu od 38 do 90 KT predmeta, što je manje nego u prethodnoj godini ( 35 do 100 ), 17-77 KTA predmeta što je znatno manje nego u prethodnoj godini ( 30-146 ) i 107-359 KTN predmeta.*

*Prosječna zaduženost tužilaca u Odjelu za opći kriminal je 52 KT predmeta, što je za 7 ili 11,86 % manje nego u prethodnoj godini, 39 KTA predmeta i 243 KTN predmeta.*

*Navedeni raspon u zaduženosti tužilaca je rezultat više faktora kao što su : bolovanja, složenost predmeta, različit pristup tužilaca u radu na predmetima, zastupanje na sudu složenijeg predmeta. Međutim, ovdje valja naglasiti da je većina tužilaca zadužena sa brojem predmeta koji se kreće oko prosječnog broja zaduženosti tužilaca u odjelu za opći kriminal.*

*Tužioci koji rade na predmetima privrednog kriminala sa 31.12.2015. godine u radu imaju u rasponu od 35 do 62 KTK i KTPO predmeta, 41-60 KTA predmeta. Prosječna zaduženost ovih tužilaca predmetima iznosi 45 KTK i KTPO i 41 KTA predmeta.*

*U ratnim zločinima je zaduženost dosta ujednačena sa prosjekom od 18 KTRZ 41 KTA RZ i 17 KTNZRZ.*

Sumirajući navedene podatke može se jasno zaključiti da su tužioci koji rade na općem kriminalu prosječno zaduženi sa 52 KT, 39 KTA i 243 KTN predmeta, tužioci u privrednom kriminalu sa 45 KTK i KTPO, 41 KTA predmeta i tužioci u ratnim zločinima sa 18 KT RZ 41 KTA i 17 KTN predmeta. I po ovom pokazatelju se vidi da je smanjen ukupan broj neriješenih predmeta i da se on konstantno smanjuje osim što je kod ratnih zločina povećan broj KTA predmeta.

## STRUKTURA KRIVIČNIH DJELA

Krivično djelo protiv imovine (član 286-302 KZ F BiH)		Krivično djelo protiv okoliša (član 303-322) KZ FBiH		Krivično djelo protiv javnog reda i pravnog prometa (član 358-379 KZ FBiH)		Krivično djelo protiv braka, obitelji i mladeži (član 214-224 KZ FBiH)		Krivično djelo protiv života i tijela (član 166-176 KZ F BiH)	
predmeta	Lica	predmeta	lica	predmeta	lica	predmeta	lica	predmeta	Lica
544	739	192	310	226	310	206	219	103	142

U strukturi krivičnih djela kao i prethodnih godina najveći broj prijava je podnešen i zaprimljen u tužilaštvo zbog krivičnih djela protiv imovine. Za ova krivična djela zaprimljene su 544 prijave protiv 739 lica. U oblasti ovih krivičnih djela najviše prijava je podnešeno za krivično djelo krađe iz člana 286 i teške krađe iz člana 287 KZ F BiH. Nakon toga preovladavaju krivična djela protiv javnog reda i pravnog prometa ( nasilničko ponašanje, krivotvorenje isprave i dr. ), za koju vrstu krivičnih djela je zaprimljeno 226 prijava protiv 310 lica. Nakon toga po broju podnijetih prijava su krivična djela protiv braka, obitelji i mladeži gdje preovladava krivično djelo nasilje u porodici iz člana 222. KZ F BiH. Za ovu vrstu krivičnih djela je zaprimljeno 206 prijava protiv 219 lica. Nakon toga preovladavaju krivična djela protiv okoliša za koju vrstu krivičnih djela su zaprimljene 192 prijave protiv 310 lica. U strukturi ove vrste krivičnih djela preovladava krivično djelo šumske krađe iz člana 316 KZ F BiH. Zbog krivičnog djela protiv života i tijela ( ubistvo, laka i teška tjelesna ozljeda i dr. ) zaprimljene su 103 prijave protiv 142 lica.

PRIVREDNI KRIMINAL									
Ukupno primljeno prijava u izvještajnom periodu		Glava XXXI Krivično djelo Podmićivanje i protiv službene i druge odgovorne dužnosti (član 380-392 KZ FBiH)		Glava XXII Krivično djelo privrede, poslovanja i sigurnosti javnog prometa (član 241-272 KZ FBiH)		Glava XXIII Krivično djelo Iz oblasti poreza (član 273-278 KZ FBiH)		Porast priliva predmeta u 2016 i postotak u odnosu na prethodnu 2015 godinu	
predmeta	lica	predmeta	lica	predmeta	lica	predmeta	lica		
201	396	172	321	26	66	3	9	22 %	

Iz oblasti privrednog kriminala u izvještajnom periodu zaprimljena je 201 prijava protiv 396 lica. Najveći broj prijava je zaprimljen zbog krivičnog djela podmićivanja i protiv službene i druge odgovorne dužnosti iz Glave XXXI KZ F BiH i to 172 prijave protiv 321 lica.

Zbog krivičnog djela protiv privrede, poslovanja i sigurnosti javnog prometa Glava XXII podnešeno je 26 prijava protiv 66 lica dok u izvještajnom periodu su podnešene 3 krivične prijave odnosno izvještaja protiv 9 lica za krivično djela iz oblasti poreza – Glava XXIII KZ F BiH.

Upoređujući strukturu krivičnih djela počinjenih u ovom izvještajnom periodu u odnosu na strukturu počinjenih krivičnih djela u prethodnoj godini može se zaključiti da postoje određena variranja u manjem ili većem iznosu ali da ne pokazuju bitna odstupanja koja dovode do promjene vrste kriminala na području Kantona.

## **ZAKLJUČNA ZAPAŽANJA**

Analizom ostvarenih rezultata ovog tužilaštva u prethodnoj godini jasno se može zaključiti da je i ove kao i prethodnih godina savladan priliv predmeta po svim oblicima kriminala, te je značajno smanjen ukupan broj neriješenih predmeta, uz tendenciju da u naredne jednu do dvije godine izađe iz Plana rješavanja starih predmeta odnosno da u radu nema predmeta starijih od 2 godine.

Dakle, tužilaštvo je ostvarilo dobre radne rezultate u ovoj poslovnoj godini, savladalo je priliv po svim oblicima kriminala i smanjilo neriješeni broj predmeta.

Kako od sistematizovanog broja tužilaca u tužilaštvu nedostaje još jedan tužilac i četiri stručna saradnika očito je da bi popunom tužilaštva sistematizovanim brojem tužilaca i stručnih saradnika ukupni rezultati ovog tužilaštva bili još bolji.

## **PREPORUKE IZVRŠNOJ I ZAKONODAVNOJ VLASTI**

Radi uspješnije i efikasnije borbe protiv svih vidova kriminala za čije gonjenje je nadležno ovo tužilaštvo, a imajući u vidu nedostajeće kadrovske i materijalne potrebe smo u nacrtu Budžeta tužilaštva za 2017. godinu zatražili da se obezbijede sredstva za ukupan broj sistematizovanih tužilaca i stručnih saradnika, te da se obezbijede dostatna sredstva za izdatke za materijal i usluge.

Posebno je potrebno istaći da tužioci prisustvuju pretresima koji se svakodnevno održavaju na području cijelog Unsko-sanskog kantona. Za uspješno i efikasno obavljanje tužilačke funkcije neophodno je obezbijediti odgovarajuća prevozna sredstva. Obzirom da su tri vozila starija od osam do deset godina, bilo bi neophodno ova vozila zamijeniti za nova tako što bi se svake godine planirala zamjena po jednog starog vozila za novi.

Tužilaštvo je Odlukom Vlade Federacije br. 605/06 od 05.10.2006.godine dobilo na korištenje zgradu bivšeg Zavoda za platni promet, osim prizemlja same zgrade u kojoj je smješten AFIP sa svojih 5 radnika. U vrijeme dodjele ovog prostora tužilaštvo je imalo samo 15 tužilaca odnosno ukupno sistematizovanih 50 radnih mjesta. Sada ima 27 tužilaca, odnosno sistematizovano 80 radnih mjesta (državni službenici, namještenici, uposlenici).

Postojeći prostor više ne zadovoljava potrebe ovog tužilaštva. Tužilaštvo uopće nema Salu za kolegije u kojoj bi moglo stati 28 tužilaca, sekretar i stručni saradnici.

Daktilobiro je smješten u jednoj prostoriji sa 16 ljudi što čini gotovo nemoguće uvjete za rad, nije obezbijeđen adekvatan prostor za još 3 tužioca, stručne saradnike, savjetnike. Zbog svega navedenog, ovo tužilaštvo se prošle godine obratilo pismenim podneskom Vladi Federacije u čemu je upoznata Vlada Kantona, Ministarstvo pravosuđa kao i VSTV, sa zahtjevom da se tužilaštvu dodijeli na korištenje prizemlje zgrade u kojoj je trenutno smješten AFIP izmještanjem 5 radnika ove Agencije u neki drugi odgovarajući prostor. Nažalost i pored upućenih urgencija nismo naišli na razumijevanje kako Vlade Kantona tako ni Vlade Federacije. Izostala je i podrška VSTV-a iako su data obećanja.

*Zbog toga je neophodno u tekućoj poslovnoj godini ponovo inzistirati a uz asistenciju i pomoć VSTV-a i Vlade Kantona, od Vlade Federacije da se ovaj prostor hitno dodijeli tužilaštvu na korištenje, kako bi se obezbijedili minimalni prostorni uvjeti za rad ovog tužilaštva ili eventualno tražiti drugo rješenje za smještaj tužilaštva.*

*Dakle i pored preduzetih aktivnosti nismo uspjeli da ovaj problem pomaknemo sa nulte tačke. Ukoliko vlasnik zgrade Vlada F BiH ne riješi ovo pitanje u što skorijem roku, onda će biti neophodno obezbijediti sredstva za izgradnju nove zgrade.*

*S poštovanjem !*

**GLAVNA KANTONALNA TUŽITELJICA**  
*Fadila Amidžić*